



## Publicaziuns dalla vischnaunca, jamna 14

### Damondas da baghegiar 2014-1013.000

**Datum dalla publicaziun: 4 d'avrel 2014**

**Il patrun:** Artavels Anton Huonder, c/o Huonder, Engineering AG, Freihofstrasse 14, 8048 Turitg

**Il representant:** Cavigelli Ingenieure AG, Via Santeri 1, 7130 Glion

**Object:** Parcadi existent, construcziun nova, parcella 320, Madernal, 7180 Disentis/Mustér

### 2014-1014.000

**Datum dalla publicaziun: 4 d'avrel 2014**

**Il patrun:** Jolanda Gächter, Sackstrasse 23, 8342 Wernetshausen

**Il representant:** Paul Duri Degonda, arch. dipl. eth/sia, Paradiesgasse 7, 7002 Cuera

**Object:** Sanaziun dil baghetg, parcella 2443, Begl Sogn Martin, 7183 Mumpé Medel

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, igl 1. d'avrel 2014  
*Uffeci da baghegiar Disentis/Mustér*

---

## Cussegl da vischnaunca

Il cussegl da vischnaunca seraduna **venderdis, ils 11 d'avrel 2014**, allas 2015 uras en casa communal.

Tractandas:

1. Protocols nr. 9- e 10-2013/2016
2. Colligiazion dil traffic Sedrun–Caschinutta cun il tunnel da via digl Alpsu: Moziun (moziun nr. 2-2013/2016)
3. Embellaziun, signalisaziun ed informaziun (messadi nr. 11-2013/2016)
4. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

## www.disentis.ch – Nova pagina d'internet

*d'internet.*

*Sper ina nova cumparsa ei la pagina vegnida adattada allas pretensiuns d'ozildi concernent navigaziun, survetschs e manteniment. Ina versiun per navigar sin la pagina cun telefonins ei era vegnida creada. Plinavon ei la previsiun dall'aura la medema sco tier l'interessenza turistica. In'otra migliur ei la pli surveseivla applicaziun per empustar las cartas dil di per viagiari culs mieds da traffic publics.*

*Novissimamein vegn publicau sut «Vischnaunca – Portret – Nums locals» la gronda collecziun da nums locals da pader Ambros Widmer. La collecziun da varga 3000 nums locals (incl. descripziun detagliada) ei in deletg da contemplar, pertgei cun agid da Google earth han ins l'impressiun da sgular sul territori dalla vischnaunca. Propostas per adattaziuns e cumpletaziuns san vegnir fatgas directamein ord l'applicaziun electronica ni per corrispondenza.*

*Administraziun communal*



### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntionscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vos cun ina ferventa supplica: clamei ils pumpiers mo sur il clom d'urgenza 118. Era sche Vos veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vos sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).  
Engraziel per Vies sustegn!

*Vos pumpiers Sursassiala*

---

### **Secziun da catschadurs Péz Alpetta**

Radunonza da tgira dalla Secziun da catschadurs Péz Alpetta venderdis, ils 11 d'avrel 2014, allas 20.15 el hotel «Alpsu».

---

### **Pleiv s. Gions Mustér**

**Invit alla radunonza generala dalla pleiv s. Gions, venderdis, ils 4 d'avrel allas 20.15 en halla Cons.**

Tractandas:

1. Beinvegna ed elecziun da dus dumbravuschs
2. Protocol dalla davosa radunonza generala
3. Elecziuns
4. Rapport dil president dalla pleiv
5. Rapport dil cussegl pastoral
6. Rapport dil president dalla caplania Segnas
7. Rapport da quen: Baselgia s. Gions
8. Rapport da quen: Pervenda s. Gions
9. Rapport da quen: Baselgia Cavardiras
10. Rapport dils revisurs
11. Preventivs e fixar il pei da taglia
12. Orientaziuns
13. Casa pervenda veglia
14. Undraziuns
15. Varia

Suenter radunonza porscha la pleiv a tuts in sempel refrestg.  
Cordiala invitaziun a tuts

*la suprastonza dalla Pleiv s. Gions/Mustér*

---

### **Alp Nalps Tegia Miez**

**Radunonza generala dils dretgs e dalla chischada alp Nalps Tegia Miez, sonda, ils 5 d'avrel 2014, 20.00 en l'ustria Crestas Segnas.**  
Suenter radunonza vegn offeriu in pign puschegn. A stedia partizipaziun envida

*la suprastonza*

---



### **Corporaziun d'aua «Las Fontaunas» Mumpé-Medel**

**Invit alla radunonza generala, sonda ils 5 d'avrel 2014** allas 20.00 el local dall'uniun da scursalar.

Tractandas:

Beinvegni

1. Elecziun dumbravuschs
2. Prelecziun ed approbaziun dil protocol dils 13.4.2013
3. Rapport dil president
4. Rendaquen, rapport dils revisurs e dar scarica
5. Orientaziun project
6. Taxas annualas
7. Program da lavur
8. Varia

---

### **Uniun samaritana Mustér**

L'acziun da spender saung per donaturas e donaturs dallas vischnauncas da Medel e Mustér ha liug **gliendisdis, ils 7 d'avrel 2014** dallas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Cordial beinvegni

*Uniun samaritana Mustér*

---

### **Uniun da dunnas Mustér**

#### **Mummas cun affons pigns Suentermiezdi da Pastgas**

Cordialmein envidein nus en ils affons cun lur mummas, mesjamna, ils 9 d'avrel 2014 per far lieurs da Pastgas da pasta. Nus sentupein avon l'entrada dalla claustra allas 14.00. Annunzias pren Nathalie Lutz sut tel. 081 947 61 94 bugen encunter entochen ils 6 d'avrel 2014. Sin Vossa partizipaziun se-legra

*Mummas cun affons pigns Mustér*

---

### **Uniun samaritana Mustér**

Nies proxim exercezi meinsil ha liug **gliendisdis, ils 14 d'avrel 2014** allas 19.30 en casa da scola, Cons. A stedia participaziun envida